



EDITORIAL

## Supyaten ti panangusar iti ATL tapno usigen ti umili

**K**onkondenaren ken iwakwaksi ti Partido Komunista ti Pilipinas (PKP) ti rehimen nga US-Duterte ken ti Anti-Terrorism Council (ATC) iti panangibilang a “terorista” kadagiti ibagbaga da a 19 a “lider” ti PKP. Kaa-duan kadakuada ket mamagbaga ti National Democratic Front of the Philippines iti tungtongan ti kappia. Idi Disyembre innaganan met ti ATC a “terorista” ti PKP ken Bagong Hukbong Bayan (BHB).

No pagbasaran dagiti prinsipyo iti linteg, arbitrario ken awanan nalawag a basaran ti inaramid ti ATC a panangnagan a “terorista” kadagiti 19. Pinal dagiti pammabasol ti ATC uray awan isangsango da nga ebisdensya kontra kadagiti naidarum ken awan ti panangdengngeg ti korte. Daytoy ti sobra-sobra/nalabes a bileg nga iggem ti ATC iti agdama iti babaen ti Anti-Terrorism Law (ATL) ni Duterte. Mailabsing daytoy iti ligal a basaran a prinsipyo a baklayen ti agdarum ti dagsen a paneknekan ti pammabasol na. Saan laeng a ti ATC ti agdardarum, isuna met laeng ti mangusig ken mangdusa kadagiti inbilang na a “terorista.” Dakkel a kinamaag nga ibagbaga da nga ad-

daan kalintegan nga agapela ngem saan da met nga ipakaammo iti naidarum ti krimen na.

Ad-adda nga ipakpakita ti arbitrario a panagawag a mananglipit ken anti-demokratiko ti ATL. Nakalawlawagen iti agdama no kasano a ti ATL ket maus-usar a naranggas nga armas kontra kadagiti kritiko ken kalaban ti pasista a rehimen.

Ti panangawag a “terorista” ket mangipeggad iti biag dagiti biktima na, nangruna kadagiti mamagbaga ti NDFP a nakabalud wenno kamkamatan dagiti armado nga ahente ti reaksyunaryo nga estado. Ti kasta a panangawag, pananglipit ken panangikuspil kadagiti mamagbaga iti tungtongan ti kappia ket patraydor

a panangiduron ni Duterte iti NDFP iti saan na a panagtamed wenno panagsuko iti panagturay na. Nalawag a panangibaddek daytoy iti katulagan a Joint Agreement on Safety and Immunity Guarantees ti NDFP ken Gubyerno ti Republika ti Pilipinas a mangiparparit iti agsumbangir nga anupen wenno lipiten ti siasinoman a tao nga adda paset na iti tungtongan.

Ti pammabasol iti 19 a personahe nga isuda ket “lider ti Partido” ket nalawag a pangta iti biag da. Ti panangidarum kadakuada a “terorista” ket kapada ti “panangsentensya ti patay” ti mammapatay-tao a rehimen.

Ti panangawag a “terorista” ket maisilpo iti red-tagging wenno panangbirngas a komunista wenno kameng ti Partido ken hukbong bayan ken kampanya ti panagpatay wenno panagtaliw ken mabayag a panangibalud basar kadagiti palso nga ebisdensya ken dagiti parbo a kaso.

Punpuntiryaen ti rehimen a Duterte dagiti ligal a puersa a mangipukpukaw ti nailian a wayawaya ken demokrasya – dagiti organisasyon dagiti mangmanged, mannalon, masa a minorya, agtutubo, babbai, nars, mangisursuro, gagangay nga empleyado ken dadduma pay a mangilablaban ti interes tu umili.

Naaramid ti “terorista a panagbirngas” iti tengnga ti maiyar-aramid a panangdengngeg iti ATL. Iti duron ti National Task Force to End Local Communist Armed Conflict (NTF-ELCAC), naparang nga inbabin ti ATC dagiti mahistrado ti Korte Suprema ken naikabil ti panangtungtong iti daytoy iti peggad.

Ti panagbirngas a “terorista” ket maysa met a desperado nga adang tapno kaluban dagiti krimen ti terorista nga estado ti rehimen a Duterte. Awan ti sabali no saan a ni Duterte mismo ti numero uno a terorista iti Pilipinas iti agdama. Babaien ti panangusar ti naranggas a makinarya ti estado – dagiti soldado ken pulis – pinagayus na ti dara ti mano pulo a ribu a pinatay na iti uneg ti gubat na kontra droga ken

gubat kontra-insurhensya tapno itandudo ti tiraniko a turay na iti intero a pagilian.

Iti inaramid ti ATC a panagbirngas a “terorista” dagiti puersa a progresibo ken patriotiko, panpaneknekan ti pasista a rehimen a Duterte a ti “anti-terorismo” ket maysa nga anti-demokratiko a konsepto nga us-usaren ti imperyalismo nga US ken dagiti agar-ari a dasig tapno ikuspil dagiti puersa ken tignayan a lumablabaan para iti nailian a wayawaya ken hustisya para iti gimong. Iti intero a lubong, us-usaren ti US ti “anti-terorismo” tapno ikalintegan ti armado ken politikal a pannakibiang na iti nadumaduma a pagilian ken ikuspil dagiti puersa nga anti-imperialista ken patriotiko.

Maysa met a desperado nga adang ti ar-aramiden a panagbirngas ti ATC tapno padaksen ti nagan dagiti progresibo ken rebolusyonaryo a puersa. Dagiti birbirngasan ti ATC a “terorista” ket dagiti aktibista ken rebolusyonaryo a mabigbig nga iti intero a biag da ket indaton da ti sirib ken pigsas da iti panagserbi iti masa a Pilipino. Mabigbig amin

dagitoy a kakuyog ti umili a timmakder kontra kadagiti diktador ken tirano. Amin da ket mangisaksakripsyo kadagiti personal nga ambisyon ken bukod nga interes da. Saan a kas kadagiti burukrata kapitalista, saan da a naggamgam ti kinabaknang wenno nagbalin a padagsen iti umili. Mabigbig da kas napudno nga agserbi iti pagilian ken mangitandudo ti wayawaya ken kalintegan.

Dagiti kastoy a panagbirngas tapno padaksen dagiti maka-ili ken rebolusyonaryo ket nabayagen nga ar-aramiden dagiti agari-ari iti Pilipinas. Inawagan da a “bandido” ken dagiti “insurekto” dagiti gangannaet a managsakop tapno ikalintegan ti armado a panangikuspil ken kaluban ti pukkaw da para iti wayawaya. Amin dagiti bannuar a Pilipino – da Andres Bonifacio, Macario Sakay, dagiti Dagohoy ken Ricarte – ket pareho a nagbalin a biktima dagiti kastoy a dakes a panagbirngas. Pinnaneknekan ti pakasaritaan a dagiti nangbirngas kadakuada ket isuda dagiti pudno a kabusor ti umili a Pilipino.

Segurado nga ad-adda pay nga usaren ni Duterte ti ATL kontra kadagiti amin a lumablabaan iti pasista a panagturay na. Usaren na daytoy tapno ibaddek ti amin nga agbalin a lapped iti ambisyon na nga agtalinaed iti poder iti langa ti pasista a diktadura wenno panangmanipula iti eleksyon 2022. Saan nga adayo nga usaren na daytoy saan laeng kadagiti puersa a nailian-demokratiko, ketdi uray iti konserbatibo nga oposisyon ken dadduma pay a puersa a nagkaykaysa kontra iti tiraniya na, korapsyon, panangtallikud iti pagimbagan ti umili iti sango ti pandemya ken panagtraidor iti pagilian gapu kadagiti baybay nga insuko na iti China.

Rumbeng a nair-irut ti panagkaykaysa ti umili a Pilipino. Rumbeng nga agtignay ken lumaban tapno gibusan iti kabiitan a panawen ti tiraniko ken terorista a panagturay ni Duterte. AB

 <p>Tomo LII Blg. 10   Mayo 21, 2021</p> <p>Ti <i>Ang Bayan</i> ket maipabpablaak iti Pilipino, Bisaya, Iloko, Hiligaynon, Waray, Ingles ken Espanyol. Umawat ti <i>Ang Bayan</i> kadagiti kontribusyon iti porma dagiti artikulo ken damdamag. Awisen mi dagiti agbasbasa nga agipatulod kadagiti dillaw ken rekomendasyon para idudur-as ti dyaryo tayo.</p> <p> @prwc_info</p> <p> fb.com/editorsofAB</p> <p> cppinformationbureau@gmail.com</p>	<h2 style="text-decoration: underline;">Linaon</h2> <p><b>Editorial:</b> Supyaten ti panangusar iti ATL tapno usigen ti umili 1</p> <p>Ania ti sinagrap dagiti Samarnon iti RCSP? 3</p> <p>Panangrambak ti #NDF48 iti Northern Samar 3</p> <p>Ambus iti Panay 3</p> <p>2 a lider mannalon, tiniliw da iti Caraga 4</p> <p>Joseph Canlas, doble a biktima ti estado 4</p> <p>Rali para iti tulong 4</p> <p>Bakwit School 7, nawayawayaan 4</p> <p>Protesta 4</p> <p>“Tiliwen ti awanan face mask” ken naing-inget a lockdown mandar ni Duterte 5</p> <p>Iti a baba a sarita 6</p> <p>Nakakaasi a kasasaad dagiti nars iti tengnga ti pandemya 7</p> <p>Ti pannakabusussog ti mega-kroni a ni Enrique Razon, Jr. 8</p> <p>Dagiti dam ni Enrique Razon, Jr. 9</p> <p>Nalabes a Henosidyo ti Israel iti Palestine 9</p> <p>Wayawayaan ti Palestine! 10</p>
<p>Ti <i>Ang Bayan</i> ket ipabpablaak dua a beses tunggal bulan ti Komite Sentral ti Partido Komunista ng Pilipinas</p>	

# Ania ti sinagrap dagiti Samarnon iti RCSP?

Iti Probinsya ti Samar, 2019 pay a nakapauneg iti awan sarday a Retooled Community Support Program (RCSP) ti Armed Forces of the Philippines (AFP) ti 11 a baryo iti ili ti Calbiga, lima iti Pinabacdao, ken lima iti Hinabangan. Kadaytoy a panawen, binukbukan ti rehimen a Duterte dagiti baryo ti minilmilyon a pondo para iti nadumaduma a proyekto nga aginggana iti agdama ket saan pay a nalpas.

Tapno parnuayen ti ilusyon ti panagdur-as kagiddan ti kampanya a kontra-insurhensya, inpatungpal ti gubyerno ken ti militar ti nadumaduma a proyekto a kalsada ken rangtay, dagiti proyekto iti uneg dagiti nailian nga ahensya ken lokal a gubyerno, National Greening Program, proyekto iti pagbiagan ti National Task Force to End Local Communist Armed Conflict (NTF-ELCAC), programa a panagpasuko ken dadduma pay.

Ngem kalpasan ti dua a tawen, awan pay nalpas uray maysa a proyekto nga impraistruktura. Iti sobra a kinabuntog dagitoy, mangrugi pay laeng ti panagpatag ti panangiwayatan dagiti proyekto a kalsada. Awan pay napasamak iti plano a panangsemento ti kalsada iti Barangay Guinbanga, Calbiga. Gapu ditoy, nangaramid laengen dagiti residente ti pansamantala a rangtay a naaramid iti kayo. “Nalabit saanen a maaramid dayta,” opinyon ti maysa a residente. “Nakurakot siguro ti pondo nan,” nayon na.

Us-usaren ti militar iti agdama ti binilbilyon a piso a pondo ti Barangay Development Program (BDP) ti

NTF-ELCAC tapno ad-adda nga ipauneg dagiti baryo iti turay da. Ti panangipatungpal ti BDP ket nairut a kasilpo ti panangikuspil ken panagabuso dagiti soldado. Kas pagarigan, nagkari ti AFP kadagiti barangay ti sag-₱20 milyon no umannugot dagiti opisyal ken residente nga agkampo dagiti soldado iti barangay wenno “agpadalus ti nagan” wenno “agsurender” dagiti residente. Iti sumagmamano a baryo no sadino nga awan ti boluntaryo a nagsurender, nangaramid dagiti soldado ti listaan dagiti tao a piliten da nga “agsurender.”

“Dara, biag ken riniribuk iti pagbiagan mi,” sungbat ni Ka Ruben, maysa a mannalon idi saludsoden no ania ti naipaay kadakuada dagiti operasyon ti RCSP.

Saan a malipatan dagiti mannalon kadagiti baryo nga adda RCSP ti pamapatay dagiti soldado kadagiti kapititan ti Daligan ken Beri iti Calbiga, asawa ti kapitan ti Sinalangtan, maysa a mannalon iti Buluan, ken maysa a kabataan iti Minata. Kabayatan na iti Pinabacdao, dua a mannalon ti napapatay iti Canlubo ken maysa iti Magda-

wat. Sumagmamano a mannalon met ti binugbog ken pinarigat dagitoy.

Idadauloan met dagiti soldado ti RCSP iti sugal kas ti tupada ken inipis, iligal a panagkalap babaen iti kuryente kadagiti karayan, iligal a panagtroso, pananggundaway kadagiti babbai ken panangrames dagiti menor de edad.

Uray dagiti mannalon a narekrut da iti CAFGU ket immikat met iti serbisyo gapu iti panagabuso dagiti soldado. Ti kari a 35,000 a sueldo ket agbalbalin a 6,000 laengen, ken maawat da kalpasan ti dua wenno tallo a bulan. Masagrap da pay ti nakaro a pannakabugbog, pagsa-saoran ti dakes ken diskriminasyon.

“Isu nga iti tunggal panaglabas ko kadagiti maar-aramid a rangtay ken kalsada, malaglagip ko ti nagbaganan dagiti padak a mannalon a nagbalin a sukat dagitoy a proyekto. Saan a mabaloran ken mabatogan ti proyekto ti biag da.”

Kinaulbod met laeng ti kari ti rehimen nga ingato dagiti proyekto a kalsada ti presyo ti produkto dagiti mannalon. “Ad-adda met a limmaka dagiti produkto mi ken nakanginggina ti plete.”

Panangleppas ni Ka Ruben, “Naimaldit iti panunot ko nga iti pannakidangadang laeng a magunod dagiti marigrigat ti pudno a kina-dur-as ken kinatalna.e”

(Koresponsal manipud iti Larab) **AB**

## Panangrampak ti #NDF48 iti Northern Samar

NARAGSAK NGA RINAMBAKAN TI masa a mannalon ken ti hukbong bayan iti Northern Samar ti maika-48 nga anibersaryo ti National Democratic Front of the Philippines (NDFP) idi Abril, iti tengnga ti kagudua a tawen a dumog nga operasyon militar. Dimmar-ay iti selebrasyon dagiti residente manipud iti innem a baryo a nagkaykaysa a napinget a labanan ti militarisasyon iti lugar.

Naibingay iti programa ti mada-ma a kasasaad ti erya manipud idi Disyembre idi napalabas a tawen a nakapauneg iti dumog nga operasyon

militar. Nadagsenan iti report no apay a rebolusyon ti kakaisuna a solusyon iti rigat a mapaspasaran ti umili.

**AMBUS ITI PANAY.** Lima a soldado ti Scout Platoon ti 61st IB ti natay bayat a lima ti sugatan iti ambul ti BHB-Panay iti nagbeddeng ti Miag-ao, Iloilo ken Sibalom, Antique idi Mayo 15. Daytoy a yunit militar ti nangmasaker iti Tumandok 9 ken pamapatay iti opisyal ti barangay iti Miag-ao ken lider mannalon a ni John Farochilin idi napalabas a tawen.

## 2 a lider mannalon, tiniliw da iti Caraga

**G**apu iti parbo a kaso a gandat a pampapatay, tiniliw dagiti pulis manipud iti Caraga ken 3rd Special Forces Battalion (SFB) ni Marcela Diaz idi Mayo 14, alas-4 ti parbangon iti Marihatag, Surigao del Sur. Kameng ni Diaz ti Kapunungan sa mga Mag-uuma ti Surigao del Sur, a nabayagen nga in-red-tag ti militar gapu iti aktibo a panangilaban iti karbengan dagiti mannalon iti daga. Iruprupir dagiti kabagyan ni Diaz, 59, a dagus a mawayawayaan isuna gapu iti kaadda ti nakaro a kanser a sakit ti biktima. Naibalud isuna iti Camp Rafael Rodriguez iti Butuan City.

Iti pareho nga aldaw, tiniliw da iti Barangay Banza, Butuan City, Agusan del

Norte ni Virgilio Lincuna, 70, kameng ti Kilusang Magbubukid ng Pilipinas-Caraga iti parparbo a kaso a pampapatay. Umuna a naibalud isuna idi 2019 gapu met laeng iti parbo a kaso. Ni Lincuna ket medyo paralisado gapu iti stroke ken marigatanen a magna.

Idi Mayo 17, tiniliw dagiti pulis ti nailian a mangidadaulo ti Karapatan a ni Eliza “Tita” Lubi, iti kaso a napaay a pampapatay. Pansamantala a nawayaan iti daydiay met laeng nga aldaw kalpasan a nagpiyansa.

**Pampapatay.** Pinaltogan ken pinapatay ti mapattapatta a kameng ti anti-komunista a grupo ni Briccio Nuevo, Jr., ministro ti Iglesia Filipina Independiente iti Barangay Poblacion, Guihulngan City, Negros Oriental idi pay Mayo 4. Ni Nuevo ket nabayagen nga in-red-tag ti Kagubak, grupo ti vi-

gilante nga adda iti kontrol ti pulis ken militar iti probinsya.

**Panagdukot.** Dinukot ti maipagarup nga elemento ti militar ni Ed Navalta, koordineytor ti Camarines Sur People’s Organization iti District 1 idi Mayo 18, alas-5 ti malem iti ili ti Ragay, Camarines Sur. Saan pay a nabirokan no sadino ti nangipanan dagiti militar.

**Militarisasyon.** Sangapulo a barangay iti Tinambac, Camarines Sur ti pinuestoan ti 9th ID manipud pay maikadua a lawas ti Mayo. Maibilang ditoy dagiti barangay ti San Roque, San Ramon, Salvacion, Pantat ken Turo no sadino a nagbalay-balay (agiggiyan iti balay? ang pagbabahay-bahay ay ang pag-iikot nila sa mga bahay – pwedeng nagrikrikus kadagiti balbalay) dagiti soldado. AB

### Joseph Canlas, doble a biktima ti estado

GINASGASUT NGA AKTIBISTA KEN mannalon a kinarga ti 20 a lugan ti nagkaraban a nagturing iti Arayat, Pampanga tapno itabon ti dapu ni Joseph Canlas idi Mayo 14. Natay ni Canlas, bise-presidente ti Kilusang Magbubukid ng Pilipinas, idi parbangon ti Mayo 11 bunga dagiti kumplikasyon gapu iti Covid-19. Tiniliw da isuna idi Marso 30 ken dua bulan a naibalud iti nalipit a pagbaludan iti Angeles City ken City of San Fernando no sadino a naakaran isuna ti virus. Nataenganen ni Canlas ken adda sakit na a diabetes.

### Rali para iti tulong, naisayangkat iti Kongreso

NAGPIKET TI 10k Ayuda Network idi Mayo 17 iti sango ti Kongreso iti Quezon City tapno ipanawagan ti dagus a tulong para iti amin, panangipasa ti ₱10,000 Ayuda Bill, ₱100 nayon iti inaldaw a sueldo, bayad iti “leave” gapu iti Covid-19 ken ₱15,000 a subsidyo dagiti mannalon. Naigiddan iti panagtignay iti panaglukat ti sesyon ti Kongreso.

Indatag ti grupo ken ni Rep. Stella Quimbo, kangrunaan nga akingakat ti Bayanihan 3 iti Kongreso, ti petisyon para iti napateg a tulong a pinirmaan ti 14,000 nga indibidwal.

Ti 10k Ayuda Network ket maysa nga alyansa dagiti sektoral nga organisasyon a naitakder idi Mayo 15 tapno iduron ti baro a serye ti panangiharas ti tulong kadagiti pamilya nga agrigrigat iti uneg dagiti *lockdown*.

### Bakwit School 7, nawayawayaan

NAWAYAWAYAANEN IDI Mayo 14 ti makuna a Bakwit School 7 manipud iti agarup tallo a bulan a pannakabalud kalpasan nga ibasura ti korte iti Davao del Norte ti parparbo a kaso laban kadakuada. Ti Bakwit School 7 ket da Chad Booc, Roshelle Mae Porcadilla, Benito Bay-ao, Segundo Milong, Jomar Benag, Esmelito Oribawan ken Moddie Mansimuy-at. Natiliw da iti insayangkat ti pulis a reyd iti kampus ti University of San Carlos iti Cebu City idi Pebrero 15. Nakasuan da ti kidnapping ken iligal a panangdetine dagiti kabataan a Lumad.

Sakbay daytoy, inagaw ti militar ken pulis ti 26 nga estudyante a Lumad ken “pinawid” da iti Mindanao. Sangalupo ket walo kadakuada ken dagiti nagannak da ket nakapau-neg pay iti kontrol ti militar aginggana iti agdama.

Iti laksid ti panangibasura ti korte ti kaso, nagpangta ti NTF-ELCAC idi Mayo 19 a mangisampa da manen ti kaso laban iti pito.

**Laban iti panagikkat.** Nagsaruno a protesta idi Mayo 17 ken Mayo 19 ti insayangkat dagiti mangmangged ti Alaska Milk Corporation iti San Pedro, Laguna kalpasan a nagpangta ti management ti nalawa a panagikkat iti kumpanya. Ti Alaska Milk ket kukua ti Royal Friesland Campina, maysa a multinasyunal a kumpanya ti Dutch.

**Wayawayaan ni Sasah Sta. Rosa!** Nagprotesta dagiti kabataan iti sango ti Ateneo de Naga University, Main Campus iti Naga City idi Mayo 14 tapno ipanawagan ti panangwayawaya ken ni Sasah Sta. Rosa ti Jovenes Anakbayan ken awisen ti administrasyon ti unibersidad a sumuporta.

# "Tiliwen ti awanan face mask" ken naing-inget a lockdown mandar ni Duterte

Pinarimbaw manen ni Rodrigo Duterte ti tiraniko a panangsango na iti pandemya idi arbitrario nga inmandar na idi Mayo 5 a matiliw ti siasinoman a saan a naka-face mask wenna kamali ti panagsar na. Daytoy ti sungbat na iti ngumatngato a bilang dagiti kaso ti naakaran ti Covid-19. Makarintar dagiti ahensya ti guberno a mangbalangkas kadagiti annuroten iti laksiid ti panangilawlawag ti Department of Justice idi Abril a saan a mabalin a matiliw ti siasinoman a manglabsing kadagiti addang iti salun-at, malaksiid laengen no naranggas da a saan a suroten dagiti palagip dagiti awtoridad.



Gapu iti mandar ti diktador, nasurok 18,000 ti sinitar dagiti pulis ken opisyal ti barangay iti pananglabsing ditoy iti uneg laeng ti uppat nga aldaw. Agarup 4,500 tunggal aldaw.

Ti inpakaammo da ket 904 ti matiliw ken naibalud. 8,027 ti nagmulta ken 491 ti pinagtrabaho da kaserbisyo iti komunidad. Mailaksiid pay ditoy a bilang dagiti tiniliw ken pinasardeng/in-checkpoint da gapu iti panaglabsing iti social distancing, curfew ken dadduma pay a panangpairut kadagiti restriksyon ti rehimen.

## Arbitrario a panagsita

Nadagsen a dinillaw ti National Union of People's Lawyers (NUPL) ti mandar ti presidente nga inawagan na a "naulpit, makainsulto ken saan a makatao." Itakdakderan ti grupo nga awan ti basaran na iti linteg dagiti kastoy a klase ti panagtiliw ken panagdetine uray apagbiit laeng ken saan a presinto ti pakaipanan da. (Kaaduan kadagiti "tiniliw" ket ipan da iti barangay hall wenna kadagiti basketball court.) Napanekekan daytoy iti adun a kapada na a kaso nga imbasura dagiti korte manipud pay idi napalabas a tawen.

"Maysa manen nga awtaritayan a mandar a maisupadi iti annuroten ti linteg (rule of law)," kuna ti NUPL. Ti kinaawan ti nalawag a patakaran iti panangipitungpal ditoy, nangruna iti ima dagiti abusado a pulis, ket mangibunga ti nayon a panangparigat ken agbalin nga arbitrario.

Maibilang kadagiti adu a sinitar

dagiti pulis ni Anna gapu iti saan a naurnos a panangsurot iti social distancing. Sinitar da ti jeep a nagluganan da gapu ta sobra ti bilang dagiti pasahero.

"Husto met ti bilang dagiti pasahero," segun ken ni Anna. "Naan-anay ti kaammuan mi kadagiti annuroten isu nga nagreklamo kami idi pagmultaen da ti ₱500 ti tunggal pasahero," kuna na.

Pinangtaan da ida a mapaayaban iti korte no saan da nga agbayad ti multa iti uneg ti lima nga aldaw. Kas estudyante, awan ti pagbayad ni Anna isu a pinili na ti saan nga agmulta.

Iti umuna a tallo a bulan ti 2021, naipakaammo ti adu a panaglabsing iti karbengan-tao iti panagdusa kadagiti "naglabsing" kadagiti panangparigat ti guberno. Maibilang ditoy ni Darren Peñaredondo ti Cavite a natay kalpasan ti 300 a daras a pinag-iskwat (ehersisyo) dagiti pulis.

Binugbog met dagiti barangay tanod ni Ernanie Jimenez idi linabsing na ti curfew iti lugar da. Kaaduan dagiti tiniliw ket ipan da iselsel kadagiti nalipit a selda ken pagiddaen da iti datar no sadino a bulnerable da nga agi-innagar iti Covid-19.

## Epekto iti pagbiagan

Mabuteng a masitar, agmulta wenna maikulon ti adda iti panunot uray dagiti babassit a negosyante isu a mapilitan da a sumurot kadagiti panangpairut uray pay dakkel ti lugi da gapu ditoy.

Iti kaso ti pamilya ni Anna, idi

kairut ti enhanced community quarantine, maika-5 pay laeng ti malem ket mapilitanen nga agrikep ti tiendaan da iti palengke. "Rabii a makaawiden dagiti naggapu iti trabaho a mabalin a kostumer da pay isu a bassit ti mailako," kuna na.

Segun ken ni Jenny, maysa met laeng a bassit a negosyante, nasurok ₱70,000 ti kabuklan a lugi na gapu kadagiti panangpairut. "Bimassit ti kita gapu ta nakarikep dagiti eskuelaan ken naka-remote schooling dagiti kabataan. In short, naaawan ti target market mi," kuna na. Iti panawen ti ECQ, kasapulan met nga agrikep gapu ta saan nga "esensyal" a negosyo ti bassit a tiendaan.

Apektado met dagiti empleyado na iti panangpairut ti sinturon kadagiti negosyo da. "Saan mi a kabaalanan a pagsueldo dagiti empleyado no awan met ti pastrek kadagiti aldaw a nakarikep ti negosyo," kuna ni Jenny.

Segun iti grupo ti Karapatan, ti militarista ken manangdusa a wagas ti panangrisut iti pandemya ket maisupadi iti panangaywan ken panangitandudo iti salun-at ti publiko. "Kangrunaan a target ditoy ti marigrigat ken uray dagiti kritiko ti rehimen bayat a nakawaywaya kadagiti alyado ken aso-aso daytoy," nayon ti grupo.

"Saan koma met nga uray ti kabassitan a panaglabsing ket matiliw, ngamin ammo tayo nga adda ti dadakkel a tao a dadakkel met laeng ti panaglabsing ngem saan da a matiliw," segun ken ni Vice President Leni Robredo.

4.2%



ti **PANAGSUWEK**  
ti *gross domestic product* (GDP)

ti Pilipinas iti **umuna a kuarto ti tawen**.  
Iti kasta, **impossible a magun-od** ti rehimen  
Duterte ti target na nga **6.5-7.5%** a panaglangto  
ti **ekonomya** iti tawen **2021**.




**₱17.2 bilyon**

ti sumilsilap a

**ganansya** ti **San Miguel Corporation**  
iti umuna a **tallo a bulan** idi **2021**,

**ngimmato iti 15 a daras** daytoy a ganansya iti  
kapada a panawen idi **2020** (₱1.1 bilyon).

**Mayo 2026**



iti tantos a **75,000 ti mabakbakunaan** kada aldaw  
iti intero a pagilian. Idi **Mayo 18**,  
addaan **7,779.050** a dosis a bakuna  
ti napasangpet pay laeng iti Pilipinas,  
a mabalin a mangsaklaw iti **3.54%** iti  
**populasyon**.

wenno limma a tawen pay sakbay magun-od ti **herd immunity**

*Naggapuan: herdimmunity.ph*

**#Duterte Duwag**

**nagtrending**  
iti **social media**

idi Mayo 7 kalpasan nga immatras ni Rodrigo Duterte iti karit na kenni Ret. Assoc. Justice Antonio Carpio iti debate maipapan iti karbengan ti Pilipinas iti West Philippine Sea.

**₱75-₱90 bilyon**

ti **lugi dagiti mannalon** iti pagay

gapu iti **panagsuwek** ti **farm gate price** manipud maaprobaran ti **Rice Tariffication Law** idi 2018.

*Naggapuan: Bantay Bigas*



**10 Mayo 1897**

pinatay ni **Andres Bonifacio**

ti **Supremo ti Rebolusyon** a Pilipino kadua na ti kabsat na a ni Procopio idiyay dati a nabakir a parte ti **Maragondon, Cavite** iti kaso a panagtraydor ken sedisyon. Naiyaramid ti panagpatay babaen iti **order** ti Ilustrado a ni **Emilio Aguinaldo** nga iti kamaudianan na ket nagtraidor iti rebolusyon ken nakikumplot kadagiti kolonyalista nga Amerikano.

**Nos están matando**

wenno **“Patpatayen da dakami”**

daytoy ti rimmuar nga islogan dagiti taga Colombia iti tengnga ti **protesta a binurak** dagiti pulis nu sadinno a natay ti **42** ken **mabirbirok** pay ti **168** kadagiti nagralli. Bimtak ti higante a protesta iti pagilian idi **Abril 28** kontra iti **gakat a nayon a buwis** ken simmaknap ti **laban iti palpak a panagaddang ti estado** iti **pandemya** ken ti **kumarkaro a kasasaad ti pagbiagan**.

# Nakakaasi a kasasaad dagiti nars iti tengnga ti pandemya

**S**inebraran dagiti nars babaen iti panangiyun-una ti Filipino Nurses United (FNU) ti Sangalubongan nga Aldaw dagiti nars idi Mayo 12 babaen iti panangusar ti nalabbaga a face mask ken panangawit kadagiti panawagan iti nainkalintegang a nayon a sueldo ken natalged a trabaho. Manipud pay iti napalabas a tawen, panawagan dagiti nars ken dagiti adda iti sektor ti salun-at ti husto a trato kadakuada tapno nasayaat a maipatungpal da ti trabaho da. Ti kiddaw da – umanay a proteksyon, nayon a tao ken nainkalintegang a kumpensasyon.

Asug dagiti nars, maysan a tawen ti napalabas ngem saan pay laeng a naipatungpal iti adu nga ospital ti benepisyong nga inkari kadakuada ti rehimen. Idi Hulyo 2020, maipalagip nga inruar ti rehimen ti Budget Circular 2020-4 a nangingato iti sueldo dagiti baro a naawat a nars para kadagiti publiko nga ospital manipud ₱22,316 inggana ₱24,391 (salary grade wenna SG 11) agturong iti ₱32,053 inggana ₱34,801 (SG 15). Inggana iti agdama, ti panawagan dagiti nars ti sigida a panangipatungpal ditoy ken panangiruar iti naitantan nga ispesyal nga alawans iti peggad (₱5,000) ken active hazard pay (₱3,000) a nailatang para kadakuada.

Naibaba met ti maysa a ranggo ti istatus ti amin a nars nga adda iti pusingyon a Nurse II agpangato wenna dagiti agsuesueldo iti saan a nababbaba iti ₱38,000 kada bulan. Inreklamo dagiti senior nurse ti pilit a panangpapirma kadakuada dagiti employer da iti dokumento a mangibagbaga nga umannamong da iti demosyon. Saan a bimmaba ti sueldo da ngem ti kaipapanan na daytoy ket demosyon a saanen a maingato daytoy.

Saan met a nakaawat iti benepisyong dagiti 48,316 a kontraktual a nars kadagiti publiko nga ospital a saan a saklaw ti nasao nga order. Nakarkaro/Mas grabe ti kasasaad dagiti rinibribu a nars kadagiti pri-

bado nga ospital a kadawyan nga umaw-awat laeng iti ₱10,000 kada bulan.

Dagiti nars ti pinakabulnerable a matamaan ti Covid-19 kadagiti amin a medical frontliner gapu ta isuda ti kangrunaan a sumangsango kadagiti pasyente a matamtamaan iti bayrus. Segun iti kaudian a report ti rehimen, mapattapatta nga 6,000 iti 17,000 medical frontliner a nars ti naakaran iti bayrus. Iti bangir na, nakabunbuntog ti panangited iti kumpensasyon kadagiti nagastos iti panagpa-ospital. Segun iti FNU, adda dagiti nars a namindua inggana namintallo a naakaran iti Covid-19, ngem saan da pay a nakaawat iti aniaman a bayad.

Adu a nars ti agpampanunot nga agikkat ken agbirok laengen iti sabali a trabaho gapu iti kaawan iti “umno a panangisakit wenna suporta” manipud iti gobyerno iti bangir ti bannog ken peggad a sangsangoen da.

Iti napalpalabas, kadawyan a maidurduron dagiti nars nga agtrabaho iti ruar ti pagilian gapu ta nakabassit ti sueldo ken limitado ti oportunidad iti Pilipinas. Segun iti kaudian a datos ti Organization for Economic Cooperation and Development, dumanon iti ₱445,000 kada bulan ti mabalina a sueldo dagiti nars iti sabali a pagilian. Ti abereyds a sueldo dagiti nars iti US, a kadawyan a destinasyon dagiti Pilipino a nars, ket ₱319,000 kada bu-



lan, ken ₱190,000 met iti United Kingdom.

Idi bintak ti pandemya, nangipatungpal ti rehimen Duterte iti deployment ban wenna panangipasarang iti panangideploy kadagiti mangmangged iti salun-at iti sabali a pagilian idi Abril 2020 iti nagan kano ti panangsungbat iti pagkurangan iti pagilian. Naiyatrang daytoy idi Nobyembre ngem nalimitaran laeng iti 5,000 a mangmangged iti salun-at ti maideploy tunggal tawen. Awan met naitited a bayad iti naawan kadakuada nga inted ti rehimen kadagiti naapektaran iti daytoy a restriksyon.

Idi Pebrero, inamin mismo ni Sec. Silvestre Bello III ti Department of Labor and Employment nga adda “sobra a suplay” ti nars iti pagilian. Kunana, ti pagilian ket addaan 400,000 a nars iti agdama. Segun met iti FNU, mapattapatta a 200,000 a nars ti awanan trabaho iti agdama ngem awan met addang ti rehimen tapno iyabante iti aduan a panangted ti trabaho iti sango ti kumarkaro a pagkurangan kadagiti nars iti publiko nga ospital nangruna iti Covid-19 ward. Nasaknap iti agdama dagiti damag maipapan iti panagserra kadagiti nurse station ken ti panagkedked dagiti ospital nga umawat kadagiti pasyente. Maibilang ditoy ti East Avenue Medical Center iti Quezon City a nagreport nga agkururang iti 30-35 a nars.

AB

# Ti pannakabusbusog ti mega-kroni a ni Enrique Razon, Jr.

**P**inaboran ni Rodrigo Duterte ti oligarko a ni Enrique Razon, Jr. iti plano na a mangipatakder iti maysa nga “mega vaccine center” wenna dakkal a pasilidad ti panagbakuna iti publiko a daga iti Parañaque itatta a Mayo. Saklawen ti proyekto ti 10-15 nga ektarya a daga nga iwanwanwan ti Nayong Pilipino Foundation (NPF). Daytoy a daga ti maysa kadagiti nabatbati a saan a namento a lugar ti Metro Manila ken nagtuboan dagiti kayo ken nangangato a ruot.

Agap-apura ni Razon nga ipatakder ti nasao a pasilidad sakbay sumangpet ti 20 milyon a dosis a ginatang na a bakuna manipud iti Moderna. Panggep na nga urnongen ti 10,000 inggana 12,000 katao kada aldaw iti vaccine center iti killo a rason a papartaken na daytoy ti panaggun-od iti “herd community” (wenna saanen nga agi-innaka) iti Metro Manila.

Ipilpilit da Duterte ken Razon ti proyekto iti laksid ti panangsupyat ti adu a grupo. Kuna dagiti grupo, saanen a kasapulan ti “mega center” a pagurnongan ti adu a tattao a bulnerable nga agi-innaka gapu ta adu metten ti adu a nalalawa a lugar ken nakalukat nga espasyo a mabalina nga usaren para ditoy. Maymayat laengen, segun kadagiti adda iti sektor ti salun-at, nga usaren ti pondo tapno urnongen ken papigsaen dagiti barangay health center tapno mausar saan laeng iti panagbakuna nu di ket dadduma pay a serbisyo a medikal.

Ti mega vaccine center ti kaudian a pabor a naipaay iti negosyante a ni Razon iti babaen ni Duterte. Idi

laeng Abril, naipaima kenni Razon iti kontrol ti Manila Water Company, maysa kadagiti higante a kumpanya ti danum iti Metro Manila a kukua ti pamilya a Zobel-Ayala. Daytoy ket kalpasan ti mano a tawen a panagpangpangta ni Duterte nga “kontrolen” ti nasao a kumpanya ken pananglipit kadagiti Ayala tapno isanggo iti “renegosasyon” ti kontrata na iti gubyerno. Iti kamaudianan na, napilitan dagiti Ayala nga ited kenni Razon ti 51% a kontrol iti kumpanya, uray pay 25% laeng nga stock ti aktual a ginatang na.

Idi 2019, inagaw ni Razon ti monopolyo iti panagsuplay ti kuryente iti isla ti Panay manipud ti Panay Electric Co. (PECO) kalpasan a nagkedked ti Kongreso a pabaroen ti prangkisa ti kumpanya. Imbes ketdi, naikkan iti baro a prangkisa ti kumpanya ti enerhiya a More Power ken naiyawat kenni Razon dagiti sanikua ti PECO iti uneg laeng ti dua a bulan.

Sakbay ditoy, nagsaruno nga inyawat ni Duterte kadagiti kumpanya ni Razon ti Wawa Dam Project iti Rizal ken ti Chico Hydropower

Project iti Tabuk, Kalinga. Agpada a kasosyo ni Razon kadagitoy a proyekto dagiti negosyo a Chinese, nausar ti utang, tauhan ken ramit manipud China.

## Monopolyo a kontrol kadagiti pantalan

Ni Razon ti maikadua a kabaknangan a Pilipino iti listaan ti Forbes Magazine kadagiti bilyonaryo iti sangalubongan itatta a tawen. Kas iti dadduma a bilyonaryo, dimmakel ti kinabaknang na iti panawen ti pandemya – manipud \$3.4 bilyon idi 2019 a dimmakel iti agdama a neto a balor a \$5.1 bilyon wenna ngimato ti 47%.

Iggem na ti International Container Services Inc. (ICTSI) a mangpatpataray iti Manila South Harbor Port ken monopolyo na ti amin a sumrek ken rumuar a container iti Pilipinas. Idi 2017, ginatang ti ICTSI ti lokal nga operasyon ti Manila North Harbour Port manipud Petron Corporation. Ti ICTSI ti kangrunaan a mangiwanwanwan kadagiti pantalan iti pagilian. Mangas-asikaso kadagiti container wenna dadakkal a kahon a landok a pagyanan dagiti produkto a tagilako nga agdaldaliasat iti baybay.

Mainayon iti dua a mayor a pantalan, kontrolado ti ICTSI dagiti dakkal a pantalan iti Laguna, Batangas, Zambales (Subic), Cavite, Misamis Oriental, Davao, Tagum ken Gen. Santos City. Adda pay operasyon ni Razon iti saan a bumaba a 23 a pantalan iti 18 a pagilian.

Malaksid pay kadagiti pantalan, adda kumpanya ni Razon iti konstraksyon ken real estate (Prime Metroline Infrastructure Holdings Corp.), pagsugalan (Bloomsberry Resorts Coro.), minas (Apex Mining), danum (Prime Water Holdings Inc.), enerhiya (Prime Metroline Holdings Corporation), kuryente

*“Razon...,” kitaen iti panid 9*





(More Electric and Power Corp.) ken panagpuonan (CLSA Exchange Capital Inc.).

### **Bumakbakang manipud kroniyismo**

Kas iti adu a burgesy a kumprador, dumakdakkal ti kina-baknang ni Razon a bunga ti kroniyismo. Kapartakanm ti panaglaw a ti ICTSI idi rehimen ni Gloria Arroyo gapu iti nasinged a pannakigayyem ni Razon iti asawa ti dati a presidente a ni Mike Arroyo.

Inikkan ni Arroyo kadagiti pagganansyaan a kontrata iti imprastruktura iti uneg ken ruar ti pagilian. Ni Arroyo ti umuna a nangted kanyana iti nasubli a daga ti NPF nu sadinno ket nakatakder itatta ti Solaire Resort. Ginarantoran ti estado dagiti utang ti kumpanya na.

Idi panawen ni Arroyo, ni Razon ti nagbalin nga instrumento ti panagpatang ti State Grid Corp. of China iti National Transmission Corp. Ni Razon met laeng ti "dummy" wenna tao iti kumpanya a kasosyo dagiti kumpanya ti Chinese a ZTE a limmatag gapu iti nabulilyaso nga areglo ti NBN-ZTE nu sadinno a nakaawat ni Arroyo ken dagiti opisyal na iti minilmilyon a pasuksok ken kikkak.

Kasukat na daytoy, pinondonan ni Razon ti kandidatura ni Arroyo ken dagiti kaalyado na. Idi eleksyon 2007, nagserbi ni Razon a tresurero ti Team Unity ti Lakas-Kampi, ti partido ni Arroyo. Idi maburak ti koalision, nagbalin nga instrumento isuna iti pannakaitakder ti National Unity Party. Adda 45 a miembro na a nakatugaw iti Kongreso ken pset ti "Supermayorya" ni Duterte. Iti masungad nga eleksyon inton 2022, maysa ni Razon a makitkita a mangpondo iti kampanya dagiti tumaray iti kina-presidente.

AB

### **Dagiti dam ni Enrique Razon, Jr.**

TALLO KADAGITI AGDAMA a makapapatay a proyekto a dam iti pagilian ket adda silpo na kadagiti negosyo ni Enrique Razon, Jr., a maysa kadagiti maibilang a "Dutertegarch" wenna dadakkel nga oligarko a pabpaboran ni Duterte. Dagitoy ti Jalaur Megadam Project iti Iloilo a naikeddeng a magsuplay ti kuryente iti kumpanya a More Power, ti Wawa Dam Project iti Montalban, Rizal a mangsuplay ti danum iti kontrolado na a Manila Water Company, ken ti saan pay a narugian a maitakder a dam iti Chico River iti Kalinga. Dagitoy a proyekto ket maipatakder kadagiti daga ken karayan dagiti nailian nga umili maibilang dagiti Tumandok iti Panay, Remontado-Dumagat iti Rizal ken Igo-rot iti Kalinga.

Amin dagitoy a lugar ket addaan atiddog a pakasaritaan ti pannakilaban dagiti residente, ken ti nararanggas a kampanya ti panangikuspil tapno paulimeken ida. Nasaknap kadagitoy nga erya ti extrahudisyal a pampapatay, iligal a panagtaliw ken panangibalud, ken pilot a panagpabakwit.

Saan kapada dagiti dadduma a kumprador, naparang a sumupsuporta ni Razon iti pasismo ni Duterte. Idi 2017, impablaak na ti tiraniko a pammami na a saan nga agballigi ti aniaman a programa iti imprastruktura nu saan a maipatungpal iti uneg ti maysa a diktadura.

## **Nalabes a Henosidyo ti Israel iti Palestine**

**N**alatak iti damdamag ti daytoy napalabas a maikadua a lawas ti Mayo ti naulpit a panangbombomba ti Israel iti natao iti Gaza Strip, maysa a nalipit nga engklabo nu sadinno nga agnanaed ti dua a milyon a Palestino. Pukaw dagiti paulo ti damdamag ti, "riri iti baet ti Israel ken Palestine", "panagkaro ti ranggas" iti Gaza Strip, ken "dumakdakkal a saludsod" mainaig kadagiti krimen iti sangkatauan ti "agsumbangir a benneg." Iparparang dagitoy a kasla boksing ti mapaspasamak nu sadino ket patas ti laban ken kasla a dda masursurot nga annuroten ti agsumbangir.

Nupay kasta, saan a mailem-meng dagiti bidyo, litrato ken report manipud Gaza Strip ti banking a pigsa ti Israel ken ti nasaknap a dangran ken aduan a natnatay babaen iti bomba kadagiti umili a Palestino.

Idi Mayo 19, dumanon ti 10,000 a balbalay ken pasdek ti nadadael, nu saan ket rinebba, dagiti airstrikes ti Israel. Maibilang ditoy dagiti eskuelaan, ospital, opisina ti pagiwarnak ken ti kakaisuna a laboratoryo a mangproseso kadagiti test ti Covid-19. Mano nga aldaw sakbay na, iniddep ti Israel ti signal ti internet ken pinuted da ti kuryente iti Gaza. Naapektaran na ti suplay ti danum ti ginanasut a ribu a Palestino, mairaman dagiti agsaksakit ken naakaran ti Covid-19.

Iti maudi a pakaammo, 217 ti napatay gapu iti panagbombomba, 63 ket ubbing. Nasurok iti 1,400 ti nasugatan ken 52,000 ti napilitan a nangpanaw ti balbalay da. Malaksid kadagiti airstrike, bombombaen met laeng ti Israel ti Gaza manipud iti nagbeddeng da babaen kaiti kanyon.

Parparuaren ti Israel a "bumalbales" laeng kadagiti ipatpatayab ti Palestine a rocket manipud Gaza Strip. Ngem immunan a rinaut da ti Moske nga Al-Aqsa idia East Jerusalem, maysa kadagiti kasagradua a lugar ti relihiyon a Muslim, iti tengnga ti panaglualo idi Mayo 8 a panawen ti Ramadan. Nagresulta daytoy a panagraut iti 205 a Palestino ken 17 nga Israeli a nasugatan. Kas su-

balit, nagpatayab iti nasurok 1,000 a rocket dagiti Palestino iti direksyon ti Israel idi Mayo 10. Ti sumagmamano kadagitoy ti timmama kadagiti sibilyan ken sanikua dagiti Israeli. Ti sumagmamano ket nagdisso iti uneg ti Gaza. Ti kaaduan kadagitoy ket napabittak iti ere babaen iti anti-rocket ti Israel.

Ti reyid iti Al-Aqsa ket bunga ti manon a bulan a panagsugsog ti riribok dagiti grupo ti Israel iti teritoryo ti Palestine iti Daya a Jerusalem. Masansan dagiti kontra-Arabo a pablaak dagiti agpampamarang nga “ekstremista” a grupo nga Israel nga naparang nga agpanpanawagan a “patayen dagiti Arabo”. Kimmaro ti panagraut dagitoy a grupo kadagiti komunidad dagiti Palestine kalpasan a palubosan ti Korte Suprema ti Israel idi Penrero nga agawen dagiti Hudyo dagiti dagdaga a nakaitakderan balbalay dagiti Pales-

tino idiy Daya a Jerusalem.

Labsing ti nasao a desisyon kadagiti Internasyunal a katulagan a nangbingay iti teritoryo iti dua nga umili. Aktibo a lablabanan dagiti umili a Palestinian ti manamnama a panangpapanaw kadakuada kadagiti nabatbati a komunidad da iti sagra-do a daga ti Jerusalem.

Iti kinaagpayso na, daytoy a panagraut ti Israel ket silpo ti deka-dekadan a kampanya ti henosidyo ken narangas nga okupasyon kadagiti teritoryo ti Palestine. Para kadagiti Palestinian, silpo daytoy ti aw-awagan da nga Al Nakba wenna Ti Didigra, a napasamak idi Mayo 15, 1948, nu sadinno ket sistemati-ko a pinapatay ken pinapanaw iti dagdaga da tapno mabukel ti pagilian nga Israel.

Iti nasurok pito a dekada nga okupasyon ti Israel, naiduron dagiti Palestinian nga agnaed kadagiti na-

sina-sina a teritoryo da iti Gaza Strip (addaan kalawa a nasursurok laeng iti gudua ti National Capital Region) ken West Bank (dakdakkell bassit ti erya na nu iyarig iti isla ti Cebu). Ti naigagara a panangkubkob ti Israel iti Palestinian kadagiti teritoryo ket maawawagan nga “apartheid” wenna ti patakaran ti rasista a panangisina ken diskriminasyon.

Saan pay a pulos nga immatras wenna nasingir ti Israel iti adu a panaglabsing ken krimen na iti umili a Palestinian. Daytoy ket gapu iti panangibilang ti US ken dagiti kapitalista a pagilian idiy Europe a napatag nga alyado da ti Israel iti rehiyon ti Middle East. Agtultuloy nga agkedked ti US a kondenaren dagiti krimen ti Israel, ketdi dagiti Palestinian pay ti aw-awagan na a “terorista”. Ibilbilang na dagiti panagbombomba ti Israel kadagiti sibilyan kas “panangpalawa” iti annuroten ti gubat ken ti “henosidyo” kas “depensa iti bukod a bagi.”

Immun-unan a nagkedked ti President ti US a ni Joseph Biden a repasoen ti tulong militar nga it-ited ti US iti Israel idi nasapa a paset ti tawen. Nagkedked met laeng a nga ikkan dagiti ayuda ti nalagan nga kondisyon, kas iti panangiparit nga idetine dagiti ubbing a Palestinian iti naillet a pagbaludan. Iti tinawen, a ti Israel ti umawawat ti kadakkellan a tulong militar manipud iti US. AB



## Wayawayaan ti Palestine!

RINIBRIBU TI RIMMUAR kadagiti kalsada idiy United States, Canada, United Kingdom, New Zealand ken dadduma pay a parte ti lubong tapno suportaran dagiti Palestinian ken kondenaren ti panagbombomba ti Israel iti Gaza. Bitbit ti adu a grupo ti panawagan a “Free Palestine” wenna “wayawayaan ti Palestine!”

Idiy United Kingdom, inukopar dagiti aktibista idi Mayo 19 ti maysa a subsidyaryo a pagararamidan ti armas ti Elbit Systems, nga isu ti

mangsupsuplay kadagiti drone iti Israel a maus-usar laban iti Palestine. Indeklara met ti Samidoun Palestinian Prisoner Solidarity Net-

work ti Mayo 15-22 kas lawas ti Pannakidangadang dagiti Palestine.

Idiy US, agpanpanawagan ti 140 nga organisasyon iti guberno ni Biden nga isardeng ti panangpapanaw kadagiti Palestinian iti East Jerusalem, kondenaren ti kinaranggas ti Israel iti Gaza ken pasardengen, babaen iti amin a pamuspusan, dagiti krimen na iti gubat.